



陳伯玉文集卷第三

新都楊春重編

射洪楊澄校正

表

為義興公求拜掃表

臣禍豐所鍾早日孤露墳塋莫掃松柏凋荒臣之不天
實有攸咎死罪死罪昔先臣下代遺訓未忘而殃罰不
圖家禍潛搆兄弟無故並為參商中冓之言所不可道
孤臣不孝萬死餘責死罪死罪然臣之負譴實陷無辜
更議不明以按魑魅自泣血去國寄命南荒歷年被病
再以再以以二字誤生死炎山漲海氣瘴窮天戴白之老俗無

聞者孤臣疲瘁豈望頃臯分謂妻骨窮滇餌身魚鱉狼
荒之鬼永悲長逝不意慶雲垂澤天渙宥流拂拭霧露
生見白日踴躍昭泰情何以勝死罪死罪而餘殃未泯
凶固荐臻亡兄濟江合家淪溺嫂姪俱逝一不生存尋
途未中臣妻又殞重疊亡歿契闊山川至止之日生意
盡矣誓將守死陵墓沒齒冢園不思恩幸曲或寵章仍
及題輿別駕職是恩州再造生涯天官為德死罪死罪
臣自歸日淺塋廟未修荆棘荒然祭禮無主今即便祇
皇命遠職邊夷歲月方賒拜掃何日瞻言出涕感貺崩
摧伏惟陛下仁養羣生考理天 萬物咸遂各得其宜
臣獨向隅有以長戚伏願天慈愷悌憐憫孤窮寬以簡

為程處弼辭流表

書之刑賜其告歸之請使得駿奔西土長號北陵獲申
存沒之悲生謁園塋之樹稽顙松闈謝不睦之辜肉袒
山門祈自新之路刻誓肌骨奉以周旋然後退死蠻夷
沉骸糞土甘心朽滅庶無遺恨儻昊天鑒照孤誠可哀
則臣之鰥生志畢今日不勝崩迫之至

糞土臣某言臣以殃疊姪構凶逆臣合宗族誅戮以顯
國刑不謂天慈哀矜宥從寬典全臣骸骨生竄避荒窮
魂再造以萌以躍中謝臣聞忠臣事君如子事父窮痛
之至則呼所親何者君父恩深臣子懇切况臣蒙陛下
息遇如子於母今為子不孝為臣不忠長辭關庭永沒

荒裔悲窮痛恨荼毒誰依即使朽骨埋魂長滅泉壤懇
誠莫展幽翳明恩寔恐隱匿於若不盡臣節明臣臣疑
誅殛瞑目貽殃輒敢隨列肝心罄竭誠懇殘喘日死期以
少謝伏惟聖母神皇陛下哀憐垂察中謝臣聞大馬賤
畜尚知主恩草木無心猶感德化臣雖鴛鴦不足比人
負榮懷恩能無感激臣山東孤賤朝無親故性識愚鈍
材無可堪非能矯跡立方飾行執物假借名譽為時吹
噓遂得宿衛階墀忝迹即將勤勞莫紀尸素已多任經
十有三年竟無一階外錄臣之驚劣於此可見而貪冒
榮寵尚不知歸陛下應天受圖恢慕大業又不以臣鴛
鴦特見褒異擢任中郎委以心膂在職未幾即檢校將

軍終逾一年又加正授未盈三歲貴顯朝端寵渥隆崇
莫與臣比每刻肌骨晝夜思惟臣以何功謬私天造超
羣越輩顯赫明朝應由天性專愚守一守直行不負物
心不愧神盡忠事君竭力養母所以聖慈幽鑒曲照懇
誠寵任無疑委同親近不然愚臣何以叨此殊恩臣凶
險罪深母不終養爰初遭疾以至終亡天慈再三降鑿
賜藥酒脯珍膳繼踵臣門優問殷勤若同親戚臣之母
子何德於天子貴母榮恩禮重疊臣誠不孝至頑至翫
蒙此恩榮豈無感戴臣愚性為善不願人知非敢自矜
用為僥倖皇天后土實見赤心臣往任即將之日陛下
特以臣貧賜銀及綵臣以天恩非分矜憇賜臣懷戴之

心祈懇冥報遂用於天宮寺寫書造像半為聖人半為
光親臣以君親之恩所宜並報報是當理不合合疑人
知自尔造成一無知者臣今日獲罪不合上言寔以事
君之心所宜罄盡善惡有隱恕負赤誠恐臣長沒黃泉
無見聖日區區之意妾可不陳臣每以陛下恩深微臣
命淺嘗願宗滅族獲報萬分何圖誠効未申函籙先
集逆天反道背德辜恩汚辱門宗虧缺臣節此臣所以
推心泣血仰天號咷長負陛下之恩終無上報之日煩
冤荼毒心肝以糜比者待罪幽囚以殞身碎首為奉陛
下賜書示喻照察臣心所以捧戴偷生假息殘喘今既
蒙寬法兄弟獲全投竄遐荒甘禦魑魅臣之慶賴復何

可言所恨亡母弃背即遭此禍几延塗炭孤魂煢煢存
者流離亡者哀痛辛酸幽顯為世舊世悲世應由臣
不孝不忠延此禍酷何以面目將見先臣何以心願臻
辭天關生死無措永訣於今即以其月日部勒妻子奔
波就道即應死滅結草幽泉伏願聖母神皇陛下至尊
寶神為萬姓加騰天下禔福以祐蒼生壽若南山永永
無極

為宗舍八謝贈物表 三首

草土臣其頓首稽顙臣言今日日中使其至奉宣勅奇
以臣母喪贈物若干以結凶事孤臣鞠凶禮辱天贈稽
顙拜命就絕迷圖中謝孤臣不天早失父蔭兄弟孤藐

並未成人亡母哀惻鞠育見保不墜于地以及於茲榮
榮私門幽顯為慶榮忝之望非有始圖陛下親親敦心
求屬憫臣孤賤惠降恩休孤門載昌寔始天造母子之
賴以喜以惶兢兢孤臣未知攸荅陛下又恢大運崇號
寵章時復私臣弟兄趨登顯位母子光寵榮養以全豐
臣單微官能及此早逝先沒以為親榮而天不禍臣延
集老母號懇無及荼毒煩冤陛下降哀又見憫悼惠賜
禮物過超典章生榮死哀重疊若此孤臣殘喘胡顏冒
德而臣之迷塞荒謬禮經先遠之期又勞睦問有無之
禮憂若家人天實為之臣復何及即此殞絕期以謝恩
跪冰崩鯁伏表迷塞不勝荒迫

第二表

草上臣其云云言今日伏奉恩勅以臣亡母初七特
降上宮若干人給使黃門若干并賜物若干段以給護
齋事天恩過禮伏念號惶孤臣殃豐尚未殞滅荼毒如
昨奄將一旬崩號無及肝心糜合陛下慈惻哀念孤窮
復憂齋祭恐有關禮既賜束帛支降上宮恩慈再三若
猶未足自國之寵貴未聞此榮草茅孤臣何以堪處不
日銷滅永負聖恩號泣旻天以崩以懇不勝荒迫之至

第三表

草上臣頓首稽顙言伏奉某月日恩勅以臣亡母遷祔
特降勅給入夫及車牛服用物若干以護送靈柩至京

祇奉恩私頃首崩殞臣未亡誠假息苦廬日月永徃奔
及先遠荒迷在疚不知禮儀陛下哀矜憫其不逮恐有
顛沛憂及亡靈俗物象設並自天賜祖戴塋送又悉官
供或儀在途魂魄光寵行路延佇而以為榮孤臣窮凶
何圖至此天德彌厚殘喘待終泣血扶靈方滅歸路號
感恩造窮絕迷圖不勝號噓戀恩殞絕

為將軍程處弼謝放流表

臣其言臣無教訓家有逆子臣合汚宗滅族以顯國刑
天慈哀矜放從流竄臣為慶賴已是非圖今月遂蒙天
恩以臣所坐流刑特從放釋窮骸枯骨一朝再生踴躍
章惶再崩再殞中謝臣山東孤子朝無親故性識愚魯

非有才能陛下超羣越輩崇以榮寵昔任即將十有二
年遂無消塵一階昇錄自陛下踐極謬荷恩私冒寵叨
榮超絕時輩從即將檢校將軍總逾一年即加正授皆
從宸眷非有回人寵渥隆崇莫與臣比臣之孤賤榮顯
知慙臣又凶殃積罪甘投魑魅孤負陛下之恩永為遊
荒之鬼肝腦塗地無以微酬豈謂天造曲矜恩及枯骨
收骸消壑返魄幽泉使魑魅窮魂重生聖日糞土殘命
不滅荒陬荷德戴恩萬死無報不勝感荷再生之慶

為人陳情表

臣門衰祚薄少遭險澁行年三歲嚴父早亡慈母鞠育
表悖相養臣又尪羸少多疾病零丁孤苦僅得成人老

母憫臣孤蒙恕不負荷教誨師氏訓以義方家貧無資
紡績以給束脩衣褐並出母指臣既無姊妹寡有兄弟
衡門獨立唯形與影母子相視惻惻靡依罹此艱虞歷
二十歲臣稍以成立忝迹朝班薄祿微資始期色養松
情既獲母子相歡殃罰不圖老母見背攀號何及泣血
漣沛于時日月非宜權殯京地歲序遷速於今某年臣
本貫河東墳隧無改先人丘壟桑梓猶存亡母客居未
歸舊土宿草成列拱樹荒涼興言感傷增以崩咽今卜
居宅地將入舊塋明年吉辰寔是良便除此之際未有
克期臣謬齒王人職在驅役今歲奉使已至房地單行
膏庭絕漠千里臣雖萬死無答鴻恩恐先朝露有負春
殞歿甘心無憾

為副大總管蘇將軍謝罪表

知伏惟陛下仁隱自天孝思在物哀至孤苦降鑒幽冥
使臣來年得營葬具斬草舊域合骨先墳保送羈魂獲
申子道烏鳥之志獲遂私情遣空事畢馳影奔赴雖即
殞歿甘心無憾

臣其言伏奉某月日子前赦書赦臣萬死終削見任官
秩還復本將軍名始慶再生即榮寵命宛轉踴躍感戴
慙惶中謝臣聞鑿門受律本合忘生對敵臨戎殉節唯
死此乃國家恒典軍政嚴科臣妄以庸才謬叨重任不
能深圖遠算醜權凶以宣廟略之威永息安人之患
屬前軍挫衄士卒奔亡臣後繼驅馳戰鬪交合川谷地

險客主勢殊步馬相懸左右受敵決命爭死力盡塗窮
遂以穢穢之師切於犬羊之衆誠宜刎首謝國殺身報
恩陛下洪湯禹之仁務寬大之典愚臣同孟明之侶遂
免嚴誅白骨再榮丹慚未泯誓將枕戈嘗膽殄逆梟凶
躬為士卒之先以雪傷魂之憤肝腦塗地必吞鴻私不
勝荷戴再生榮幸之至

謝免罪表

臣某言月日司刑少卿郭某奉宣勅三日以臣所犯特
從放免伏對恩命魂魄飛揚中謝臣巴蜀微賤名教未
聞陛下降非常之恩加不次之命後臣草野謬齒衣冠
臣私門祖宗幽顯榮慶豈心微臣一身而已臣宜肅恭

名節上答聖恩不圖誤識凶人坐緣逆黨論罪累死
有餘辜肝腦塗地不足塞責陛下弘慈育之典寬宥宥
之刑矜臣草萊憫臣愚昧特恕萬死賜以再生身首獲
全已是非分官朕具在臣何敢安臣若貪冒寵私覲顏
恩造復塵舊職以玷清猷螻蟻微心實慙面目臣伏見
西有未賓之虜北有逆命之戎尚稽天誅未息邊戍臣
請束身塞上奮命賊庭効一卒之力卷再生之施庶陛
下威命綏服荒夷愚臣罪戾時補萬一若臣獲死鋒鏑
為厲犬羊占人結草寔是臣懇願不勝大造再生荷戴之
至

為豐國夫人慶皇太子誕表

臣妾某言本月日伏承軒宮載誕皇嗣克昌品物咸歡
天人交慶臣妾聞聖人多子祝美於堯年參羽宜孫稱
道乎周頌自非璿圖配永寶祚靈長何以茂對天休光
紉大業伏惟皇太后陛下星虹授祉月夢延禎餘慶集
於天孫榮光流於帝子玉衣方恭瑤渚增輝其竊寵中
姻承恩外戚塗山之慶既裕於夏臺高禩之詞未陪於
殷薦竊以黃汗之品可享王庭玄和之微有芳天獻豈
圖美於豐侈信有厚於由衷敢用擬議蘋蘩精誠菽藿
洗心而薦竊希瑤席之珍潔意而羞以陪金屏之寶謹
獻食若干輿冒黷瓊膳沾汙象筵追用慙惶伏表悚灼
為喬補闕慶武成發表

臣某言臣以本月日奉勅於武成殿與臣入門骨篤
等賊請降事臣以愚瞽得踐赤墀對揚天休具奉其狀
天恩特賜臣溫顏又降問云洛陽宮室皆隋朝營制歲
月久遠多有隳頽樓閣內殿凋落者衆補一壞百無可
施功唯此武成確然端立土木丹雘光色如新不知何
故得自如此卿之博識應知其說臣當時造次畧奏其
梗槩退而再省未涉萬分臣恭惟聖言緬求神象研幾
太極幽贊元符上以稽驗神謀身以合契冥數信有至
道先在於慈臣聞聖人有言曰清明在躬志氣如神
欲將至有闕必先降時雨山川出雲此蓋言神應必
有其物陛下至尊至神為天下主宰御羣品威統百靈

宸居尊嚴品物昭泰自天而祐於是用寧抑臣又聞物
之有靈如人之有神神之和暢則支體便利用人繁昌
則物必豐茂所以見其俗知興廢之數觀其氣識盛衰
之由服物猶然况其大者今陛下應天受命括地登極
先飛名於祕籙終擬圖於寶座今則當千載之運得三
統之元帝氣氤氳祚基於元命皇圖幽藹象顯於天成
夫以德之休明尚榮草木化之昭慶且變烟雲况皇皇
真君龍居其極武成合慶土木增榮獨超衆殿夫何足
恠臣聞敬其事者必載其文美其業者必頌其德臣所
恨才非墨妙思乏筆精不能替揚休祚歌詠聖德臣請
以此事付之史臣千代知神萬載知述伏願天恩特垂

降許

為程處弼慶拜洛表

臣某言臣糞土殘魂合竄荒齋特蒙陛下施再生之德
赦萬死之誅起骨九泉同列編戶臣誠萬死無以上答
况恩全賤命生在帝鄉伏見陛下至德配天化及草木
天不愛寶洛出瑞圖地不藏珍河開祕籙陛下恭承天
命因順子來建立明堂式尊顯號成之匪日功若有成
萬國咸歡百靈同慶元正肇祚品物惟新陛下郊祭旻
天總受羣瑞神靈慶戴萬福攸宜斯寔曠古莫聞於今
始見豕飛蠕動莫不歡心臣以糞土窮骸不合輒同朝
賀以古來大禮莫盛於今昔登封泰山七十四主明堂

布政無三教君誠以陛下道冠古今恩溢天地昆蟲草木猶或相歡况臣久蒙驅策今日又拔死為生溝壑殘骸而得再造遂得恭聞大禮側聽鴻名臣伏惟宇宙之中含氣之類蒙恩負德獨臣最甚向非陛下慈造曲被鴻私臣已灰滅避荒肝塗邊壤豈得尚存骸骨恭聞聖慶臣所以匍匐冒死不避誅戮異申螻蟻之情以同鶯雀之慶然臣自惟罪累不可比人在於禮經尤宜自絕所以屏營冀主不敢先聞今既萬國禮終百神慶畢昆蟲鳥獸亦並歡寧故臣螻蟻之誠始敢昧死上賀臣伏知冒禮違法罪合誅夷臣生見明時預聞嘉慶臣今即殞滅寔萬死為榮不勝歡踴戴賀之誠

為人請子弟出家表

臣某言臣以險釁私門不造亡父故某言臣某早先朝露永謝休明日月不居星紀云暮伏以先臣策名委質冠帶早年始自解巾即陪軒禁終于結綬累忝榮私三應名卿職參於河海八居州牧任叨於股肱而輟勅莫聞零落先及啟足之日露首之慚是以臣克奉詔言志期冥報請以當家子弟三兩人奉為高宗大帝出家歸道而孤莞在疚遺屬未申奉以哀號寔貫心髓今者大帝登仙之忌以及茲辰先臣懇誠未效他日所以乞遂冥願敢覬天恩庶菩提之因發禪于正覺涅槃之證幽贊於宸階先臣夙心無恨泉壤伏願上天降鑒微誠

可哀曰緣獲展存沒交慶不勝崩迫云云

為陳御史上奉和秋景觀競渡詩表

臣某言伏見某月日御製秋景務餘聊觀競渡故陳先
作式佇來篇凡六韻天文爰降品彙咸亨金簡潛開瑞
圖斯見臣聞白雲興詠漢遊汾水之祠黃竹申歌同舞
瑤池之駕然而志崇遠轍事或勞人故文思之化未光
太清之道被闕伏惟聖母神皇陛下大虹齊聖感月含
神玄德茂於皇階文明照於天下用能提玉斗挹璿衡
百神景從三靈協贊青雲出洛爰開受命之符赤甲榮
河終御與王之寶非窮神之至德者其孰能與於是哉
既而黃庭務閑紫機時暇洞庭張樂思拔軫於軒遊媯

水披圖想同懸於堯輦然遠而勞物者未若近而安人
動而勤已者豈比靜而泰神於是徙金蹕鳴玉鸞清禁
林御池殿肅波神而戒事命舟子為水嬉彩鷁蓮歌乍
起江吳之引青龍檝柱時搖甌越之風鳥逝虬駕沸珠
潭而競逐雲飛電集橫玉浦而流光信可以娛樂性靈
發揮文物皇歡允洽白日俄光於是奏薰風於管絃詠
叢雲於林蕪帝歌爰作天藻攸彰黼帳帷宮縟文房之
綉綵祥雲瑞景霏翰苑之榮光信探道於玄包得斯文
於紫極太平允矣元首康哉方欲朝明堂之宮受群后
之瑞尊崇顯號光啟聖圖封王嵩丘以接千年之統泥
金少宰攸增萬歲之規卓哉煌煌聖君之表也微臣曲

學蓬戶竊位蘭臺未聞駸馬之謠非有雕龍之思鞠躬
霜署謬觀于天章邀聽鈞臺側聞於帝樂天文尊貴不
遠於下臣帝寶琬崇曲宣於近貴竊以君唱臣和固不
隔於尊卑宮變高從方允諧於金石輒用齊心和寂假
翰求詞將以攀日月之末光繼螢燭之微照不勝云云
為朝官及岳牧賀慈竹再生表

臣等言臣聞天視自我人視天聽自我人聽故堯臣放
命降震怒之災姬聖尊仁受昭事之福先王乃以恭畏
上下祇奉天人於是有昭德塞違懲惡勸善所以明枉
直正典刑一昨伏奉恩勅宣示司農卿宗晉卿所奏日
者王德壽等承使失旨靈盪無辜灾感蝗蟲毒痛慈竹

寧歲為之饑饉此庶以之流離克魄寘申玄感上測乃
降明制發德音恤淫刑蠲虛典于是幽魂雪憤遺燠昭
蘇枯竹由其再生蝗蟲為之齧青犛蠶動色瘴癘收氣
當天札之凶年致昇平之稔歲非夫聖靈昭感天人合
符何吉凶之徵報同影響天下幸甚臣等聞聖人法天
所以順物小人違道則必亂常故虞稱欽明嚴四凶之
罪魯有仁義正兩觀之誅所以邦家用昌苛慝不作王
某等色厲內在心僻行堅弄措刑之文為高夷之法以
訟受服同惡自尤意招亟竄之辜允肅政刑之序今者
蒼鷹歛翼乳虎含牙朝廷無腹誹之憂天下有刑措之
頌信可以懲殘創酷誘善旌克永清侮弄之階共登仁

壽之域臣等謬贊臺閣忝守藩維寔思仰奉大猷以摶
中典幸屬至聖崇德小人勿用凡在庶品實百恒歡雖
成康頌聲文景默化刑清政肅曾何足云伏乞書之國
經頒示天下使四方風動萬國歸仁垂範後昆以為悃
下誤有悃誠無任慶抃之至

為赤縣父老勸封禪表

臣聞帝功既又必昭告於上玄元命攸尊必外封於厚
載故七十四主能恢萬代之規三五六經以為百王之
典伏惟陛下應天受命握紀登樞包括乾坤之靈享壽
神明之化故能開天寶闡地球溫洛所以升圖榮河曲
其薦錄群神既贊衆瑞交馳謳歌於是大歸禮樂以之

咸備陛下以順天意允合神休垂顯號以居宸建明堂
而治物百寮惟允萬國咸寧然則嵩岳神宗望玉鑿而
來禪天中仙族佇金駕而崇封寔大禮之昌期膺告成
之茂典况神都為八方之極太室居五嶽之尊陛下垂
統紫微大昌黃蓮報功崇德允協神心應天順人雅符
靈望皇圖盛業寔在於茲臣等叨願堯封以忘帝力竊
聞聖人封禪天下所以會昌山嶽成功皇壽由其配永
在等既為陛下赤子陛下又為萬姓慈親實願上報天
功下順人望勒成嵩嶽大顯尊名不勝云

為永昌父老勸追尊中山王表

臣聞子貴親榮聖人典禮故姬文受名尊太王之名漢

祖登宸加上皇之號而皆事美帝籍業盛昌圖臣伏見
中山大王道合先天功成佐命首高祖神堯皇帝義旗
爰建大號初興首贊皇基定策京邑用能神駭電掃應
天順人龍躍紫微光宅區夏實賴大王之德翼成高祖
之勲開國成家猶未奉答况陛下應天受命協運披圖
正顯位於明堂昭大明于天下功宗五帝業盛三皇可
謂實極洪名尊崇光大今者追尊之義猶闕於顯陵榮
親之典未聞於帝號臣聞高周革命封祀宗之君春秋
正名美虞晉之祀夫以興王繼絕尚不闕於禮經况乎
大孝尊親豈可虧於祀典臣等食和白屋沐慶玄門幸
為可封之人叨遇永昌之運伏見陛下則天法地崇孝

為百官謝追尊魏國大王表

臨人方且示天下以事親正皇猷以達禮蒼生之慶寔
賴惟新不任區區伏請上中山大王尊號遠以光祖宗
之德下以順黎元之望

臣等昨陳愚懇請上魏國大王尊號天慈恩孝降順羣
情宇宙咸歡品物知泰云云臣聞一人有慶萬國歡心
况乎道洽奉先義光尊號伏惟聖母神皇陛下鑪宮受
命寶極披圖以大孝而居尊勤至仁而育物用能光於
四海化及萬方緬惟尊祖之儀寔美前王之典宸心載
穆盛百辟之誠求帝冊終開見十年之盛禮蒼生以之
提福皇極由其永昌凡在含靈孰不歡慶

為建安王獻食表

臣謬籍葭莩叨榮主社元戎出塞違鳳宸而逾年班師
入朝拜鸞闈而有日而策勛飲至頻承湛露之恩獻壽
奉觴未申行潦之薦所以白茅微籍願享於鈞臺黃污
菲誠思奉於瑤水謹輒獻食一百舉伏知金鷄瑞鼎盈
上帝之珍羞玉女行廚盡羣仙之品味以茲菲薄有陋
蘋繁多慙在藻之歡竊有獻芹之志所願皇慈俯納丹
慊獲申天子萬年永慶南山之壽微臣百拜長承北極
之恩無任誠懇之至

陳伯玉文集卷第三終

陳伯玉文集卷第四

新都楊春重編

射洪楊澄校訂

表

為李卿讓本官表

臣某言伏奉月日恩勅依舊授臣中大夫守司農卿臣
枯骨再生更蒙寵命愧兢越不知所圖云云臣是庸
愚本無名節庇身公族竊軒冕之餘假翼宗枝濫衣冠
之末回循寵服累應榮班素食之責每深効拙之勤未
補橫被逆賊徐敬真以私讐架禍誣臣云與叔李遠交
通逆豎獄官執法實以極刑臣嘗領之誅已甘灰粉泉

壤之魄分隔幽冥不圖天地之恩再生枯骨日月之照
曲被幽泉察臣非辜慙臣無罪不牽文法之議特垂赦
宥之慈螻蟻微軀復得全活自非陛下克明克聖至德
至仁臣之魂骸不保今日臣免死為幸豈敢期榮陛下
重加寵章還臣舊職典司宗伯以睦周親愚臣胡顏敢
冒朝典况臣叔孝逸推使未迴在於愚臣更須待罪安
敢私職以玷國章伏乞天恩照臣愚懇不勝感戴生榮
之至云云

為陳舍人讓官表

臣某言伏奉今日詔書以臣為鳳閣舍人榮命自天
寵章非次祇奉渥越顛沛失圖中謝臣以諸生宦不期

達徒以時逢昭泰迹忝周行非有君子瑚璉之材通儒
青紫之秀已得評刑止寺執憲南臺鸚鵡之政無聞駘
馬之榮已極陛下天飛踐祚雲紀命官陽館初開庶政
惟始金章玉式允恃其人如臣疲駑宜所避棄豈圖尚
矜庸劣昭覲欽明任同信臣寵優持筆預參詳於詔獄
叨獎渥於宸階省已循躬實知非分陛下不以榮過其
量職越其才遂欲超絕親賢叅掌樞要司言鳳綉揮翰
龍池愚臣何人敢冒天造臣聞紫機務重青鎖任隆位
匪其人政由有關臣才無經濟識昧典章將何以光贊
帝猷奉揚休命物無異議政况其中臣雖小人必知不
可何況乎君子豈曰能賢伏望妙選時英旁求眾議僉

曰惟先以弼良圖愚臣懇誠非敢飾讓

為司刑袁卿讓官表

臣某言伏奉某月日勅授臣某官祇拜寵光魂首飛越中謝臣聞王者敬慎懋在典刑天下允平取茲廷尉苟非其任法不虛行臣本庸微名術無紀皆緣際會昭遇盛明謬得揚厯簪徽陪奉鴛鴦綢繆榮祿在昔平時毫髮之功無聞於官守素餐之責每積於公朝何嘗不悚迫惟憂夙夜祇畏而天恩方被寵命仍加復蒙聖誥之榮驟覩銀章之貴永言非據稽首知慙伏惟神皇陛下恭已受圖任賢興化方其合符皇極代理天工臣亦何人敢妨賢路伏見某官弱冠登仕早有能名每以清白

洗心不為寒溫變節誠使榮加天寵職察雲司必能利
用文明哀矜庶獄弼成五教無謝於雲臣典載三墳允
諧於周議愚臣暗昧不識大猷請乞以所授官讓與某
官庶使官允其才名不失實聖明有得人之盛愚臣無
冒責之譏實在聖慈鑒非虛謬

為張著作作謝父官表

臣某言臣父某守官不謹獲罪自躬犯非清廉法宜不
赦實由臣為子不孝使父陷刑天恩不肅嚴科放全首
領臣得父子相見已是非圖豈謂天澤無涯更垂休命
臣父子兄弟免罪從榮載惶載殞寔慶寔躍中謝臣父
子凡品守道幽微天恩矜憫見垂采錄叨承恩幸廁列

陪臣自侍奉以來於今十有八載雖業藝無紀勞動不
聞小心恭勤實免愆過明明昊天實昭實察不敢有二
不敢有私夙夜兢兢祇惕若厲所以父母兄弟皆荷恩
私叨職謬官並預供奉摩頂至趾豈足上酬愚臣兢兢
實慙實悚不意臣父衰耄恃寵忘公貪潤微財取犯朝
憲應是臣不忠不孝事父無良廉耻不羞譏諫有闕遂
使陷於刑法有玷國章臣之萬死無補此責刻肌刻骨
泣血泣天恨負聖恩以媿朝列臣宜代父蒙罪自殞關
庭不合偷安尚求苟免誠以天波昭洗得更自新所以
忍垢偷生剋躬自勵期効萬一補過酬恩灰軀糜骨以
甘心願伏惟神皇陛下恩同父母矜照懇誠信其赤心

實有罄竭云云

為資州鄭使君讓官表

臣某言伏奉月日制以臣為資州刺史恭承璽命祇拜
寵章匪服知慙循榮如矢中謝臣學慙名術才乏器能
而實應逢時金章坐忝題輿佐嶽無展驥之庸剖竹專
城關懸魚之化坐嘯徒積主諾空慙伏惟陛下革命開
基造天立極方且弘宣帝典大啟皇猷而四岳觀風不
虛其任六條班政允屬其方臣疲朽已侵循良久昧將
何式光刺舉允協得人伏願博選英才克諧僉議使人
光理政洽惟良大周之命惟新愚臣之責攸息其所讓
人具如別狀

為武奉御謝表

臣某言伏奉某月日詔書以臣為尚食奉御肅恭休命
祇拜寵章榮慶既崇慙荷交集臣才虧琢玉學昧籛金
徒以席寵葺葺容光日月叨承雲渥既廣天工而策更
恩昇位非德舉無階而進坐致於青霄有慶方來載光
於朱紱臣聞瑤庭任切攸稱六尚之榮玉食禮尊寔總
八珍之貴臣術慙緣鶴業匪泰龍將何致羨瓊芳式和
金鼎鳴私曲被殊寵降臨天命既不可違聖恩允宜祇
戴循涯揣分實所非圖

為王美暢謝兄官表

臣某言臣兄某前某官特蒙恩詔擢授豫州司馬未及

赴任即以某月日改亳州司馬再三策命叨荷恩私在
臣宗門實為慶幸中謝臣兄自解巾從仕三十餘年五
為縣宰三遷州佐政皆通顯職實恭勤直道在公有終
始之節平心應物無造次之憊在於周行頗蒙推薦近
屬虺貞搆逆惑亂豫州註誤平人自貽臯滅陛下憫荆
河之俗遭此無辜弔汝濱之人使其昭慶以為奉揚皇
化者必籍其才撫馭窮人者亦資有德臣兄貞固濫承
天獎遷授豫州在於天恩實為超擢今者未及赴任復
降授亳州重疊承恩繼同貶降朝廷體例實亦為尤臣
兄弟叨榮濫竊非據天慈改授不合冒聞但以始者承
恩蒙越抽擢今有何過遂同左遷區區懇誠輒敢祈訴

天澤伏願皇慈有裕降昭獎之恩臣兄竭忠獲展才之地小臣死日猶生之年

為金吾將軍陳令英請免官表

臣某頓首死罪上言臣聞軍政不減春秋責帥故揚于之亂魏絳致職所以國有明賞下無濫功臣幸以常才文武兼關始年十八投筆從戎西踰流沙東絕蒼海南征北伐無所不至席寵門緒忝迹軒墀屬高宗崇德深仁孝理天下以臣祖父兄弟一門五人皆伏節盡忠身死王事遂超臣不次授原州都督臣特年三十二職兼五印榮絕一時階緣此恩累忝藩翰持節統部前後八州皆居塞垣當賊衝要國之重寄莫與臣比雖無長策

卹戎伏軾恭守朝章保完免失屬陛下大聖矜老容愚不以臣驚怯更加寵命授以青紫遣督幽州休胡搆凶王師出討士馬雲集軍務星繁糧饋戈甲動以億計臣無田疇鄉導之策又乏杜預度支之才空竭疲單晝夜不息以勤補拙首尾三年弥縫闕漏幸無憊乏張玄遇等不謹師律賊得乘機遂敢長驅燕垂深入趙際臣又無李牧東胡之畧寔媿吳起西河之守使凶狡數遂擾邊亡論之國憲合刎頸謝罪陛下又不以臣為辜更授清邊軍副大惣管五月恩制六月到軍逆虜天亡臣又無効至於軍功戰籍叙勲之勞副職日淺未及精覆大兵旋旆王師獻功而漢庭將軍未聞辭第雲中太守

已論增級今乃竊功謬賞有忝朝章忠誠殉節不昭國
議實由臣濫其職任過其才上不能允副聖心中不能
匡正戎律傍招物議有紊軍容臣罪何逃孰執其咎伏
願乞賜骸骨貶歸私第式清朝序永觀師貞不勝惶懼
○制曰卿出鎮窮塞作牧蒞門雖無破陣之功終有捍
城之効且膺巡警未可懸車

為副大總管屯營大將軍謝表二首

臣聞獫狁不恭周王致其大戮將軍失律漢符被其嚴
刑未有逆命驕天而逋疊鼓之罰亡師沮衆遂寬載社
之誅伏惟天冊金輪皇帝陛下肅恭上帝子育群生萬
國所以宅心百蠻由其屈膝而契丹凶狡敢竊遠徼毒

雲生靈暴殄天物皇兵順伐仗仁義以共行窮寇茲回
憑險阻而猶鬪臣等仁壽聖略智昧詭圖遂以熊羆之
師控於犬羊之旅誠合結纓車壘祗罪國章陛下以克
舜深仁且緩三苗之伐禹湯罪已不與萬方之辜遂得
齒劍餘魂更參授鉞之任死綏之魄復同挾纊之恩四
夷義以來蘇三軍感而抃舞痍瘡再起浮誠足圖將士
同心誓雪孟明之恥殤魂共憤思亢杜回之讎臣等狗
義忘心報恩惟死不任感激慶戴云

謝衣表

臣今日千騎田楷至伏奉恩勅賜臣紫衫早衫袴等
一副臣萬死骸骨垂朽蒙榮載戰載殞肝心塗地中謝

臣以鷲朽叨承重任憑奉聖畧誅討元凶實合震曜天威俘斬逆首而智力淺短進退無規被王孝傑陷鋒于前臣則接戰於後躬先士卒苦鬪山林自辰至酉殺賊無數崑崙峻狹車乘相闖旋被孝傑敗兵回相衝突逆賊乘便衆虜臣軍士卒被傷子將多死臣決命爭首陷陣權亮日暮兵疲瘡痍相半鳥散山谷人無鬪心臣獨無依遂失師律即欲刎頸陣下要骨顯誠寔恐身死冠傷未雪國耻所以含垢忍辱圖死關庭今月六日至幽州既囚繫獄戶延到戟魄唯待嚴刑湯鑊在前分安灰土豈謂天慈矜鑒回憲增榮以其伏鎖之魂更厚賜衣之寵煩究踊躍載兢載惶泣血嘗膽誓復國讎刻骨

肌敢忘天造不勝已死再生感戴欣躍之至

為建安王破賊表

臣某言今月日得遼東都督高仇須等用日破逆賊契丹孫萬斬等一十一陣露布并捉得生口一百人送至軍前事三軍慶快不勝踴躍臣聞天之所棄雖暴必亡人之共讎在遠彌戮况凶羯遺醜未及犬羊固行孽以招誅自辜恩而取滅伏惟陛下威加四海子育百蠻鬼神尚不敢違凶狡豈能逃罪逆賊萬斬等天奪其魄坐自為殃仇須等謹奉廟謀遠馭國計短兵懸接群逆銷亡返風迴燭薰睛掩日此乃天威潛運神道密周豈止人謀抑由靈助今盡滅殃病孽固折服眚災兼至凋弊

日滋未加天兵應有糜爛臣訓勵士馬今月赴行大軍
一臨山寇必殄獻俘在即拜聞有期預喜承恩思勝慶
賀

為河內王等論軍功表

右金吾衛大將軍兼檢校洛州長史河內郡王臣懿宗
加爵一等勳五轉司賓卿兼羽林大將軍建安郡王攸
宜加爵一等勳七轉臣某等言伏奉月日制書錄臣等
在軍微功特加前件勳封嘉命奉至寵渥載優伏對慙
愧殞首顛越臣聞古者名將先士卒而後身故其
功勳未世庸朽窮人力以寵已故其政乖然則簞擊投
河三軍告辭刑印在手萬夫以離夫與眾共功專已獨

利成敗之理興亡繼焉賞者國之大事故不可忽曰者
林胡搆孽敢離燕陸陛下徵義兵誅不道天下士庶焱
集星馳皆忘身憂國紆禍却難至於躬先矢石血塗草
莽冒艱險歷寒溫氣騰青雲精貫白日誠亦勤矣雖則
聖靈威武逆虜自滅然士卒戮力亦盡其勞今大功未
酬眾議猶在而臣等駕怯猥加先封臣等不能折衝虜
建還師衽席今坐加茅土之賜以先將士之勤使鷓寇
虎臣將何以勸今戰士留滯於外府軍吏咨嗟於下寮
臣等胡顏敢冒天造夫賞一勸百猶恐未孚利一阻萬
其弊誰救爵命不可以招謗國章不可以假人伏願天
光俯迴昭發軍禮請以臣等前件勳封迴受戰亡人及

立功將士等上以明國之大賞下以雪臣等謬功使人
悅亡勞士感知死然後兵可訓勵賊可誅屠此誠國之
元經不可苟而利者臣等不勝區區

為達安王謝借馬表

臣攸宜言伏奉聖慈勅借臣廐馬四疋星旗方列天馬
忽來祇拜恩榮林躍兼集臣名慙白馬陣昧青龍徒憑
廟勝之威竊總元戎之首皇師以露山錫未孚方欲親
負干戈身先士卒金山深入期突厥之功玉壺遂臨叨
得駿之賜首開東道今見西來感燕骨而長鳴君恩罔
報向朝雲而驤首踴頭方擒坐馳千里寔愧三軍寵貴
非圖榮多增懼

奏白鼠表

臣某言今日日臣等令中道前軍總管王孝傑進軍平
州十九日行次漁陽界晝有白鼠入營孝傑捕得籠送
者身如白雪目似黃金頭目跼伏帖若無氣將士同見
皆謂賊降之徵臣聞鼠者坎精孽胡之象穿竊為盜凶
賊之徒固合穴處野居宵行晝伏今白日歸命素質伏
辜天亡之徵兆寔先露自孝傑發後再有賊中信來不
謀同詞皆云盡滅病死親離衆潰匪朝即夕臣訓兵勵
勇取亂侮亡首宋尅鮮卑蒼鵝入幕今聖威遠振白鼠
投營休地同符實如靈契凡在將士孰不歡欣執馘獻
俘期在不遠

為僧謝譚表

僧某言一昨預內道場譚恩勅殊獎賜有褒稱死罪死
罪其實專蒙昧于至道徒以早栖真寔委質香緣遂以
濫越殊私光照寵渥日者法宮聞道譚賜承恩叨玉塵
之榮預金闈之議遂得對揚真會咫尺天威徒有明恩
卒無函贊不能絕玉倪之問以默夸詞息毗耶之言冥
通得意天休光被曲見稱揚羣議允懷猥忘其陋顧揣
涯分寔覲心顏將何冀亮緇徒發揮玄極以念嘉惠怵
惕惟憂載懷愚瞽而心况知愧無任慚荷之至

謝藥表

臣某言伏奉中使宣勅旨賜貧道藥總若干味肅恭休

命敬受慚惶猥以眇身叨蒙大願至殊方丈同問疾之
榮施等醫王感能仁之惠雖楮鞭細投未可比其英蕤
赤芥仙圖固以謝其靈氣方將馭茲營魄端彼衰痾以
要上品之經將希大年之壽人微惠重答施何階不勝
云云

為喬補闕論突厥表

臣某言臣以專蒙叨幸近侍陛下不以臣不肖持勅臣
攝侍御史監護燕然西軍臣自違闕庭應涉秋夏徒居
邊徼無尺寸之功臣識暗劣孤負聖明然臣久在邊隅
夙夜勤灼莫不以蕃事為念俾按察之比以突厥離亂
事跡參驗委曲窮問往來竊有以得其真莫不自為鯨

鯁通相吞食流離殘餓莫知所歸臣誠愚不識事機然
竊以往古之變考驗於今乃知天亡凶醜之時陛下收
功之日然臣聞之難得易失者時也易過難見者機也
聖人所貴者去禍於未萌今陛下體上聖之資開太平
之化匈奴為中國之患自上代所苦久矣合天降其災
以受陛下萬代之業在於今而臣請以秦漢以來事跡
證明之伏願陛下少留聖聰守繹省察天下幸甚臣聞
始皇之時併吞六國制有天下按劍叱咤八荒犇馳然
匈奴疆梁威不能服牧馬河內以侵遼疆始皇赫然使
蒙恬將四十萬衆北築長城以逐胡取其河南之地
七百余里當時燕齊海岱羸弱以給費徭役煩苦人以不

堪故長城未畢而閻氏之成已為其患二世而亡莫不
始於事胡也至漢興高祖受命率群雄乘利便以三十
萬衆窘迫白登七日被圍僅而獲免自是歷呂太后至
孝文帝單于傑鷙益陵漢家文帝徒以遜詞致獻金帛
但求其善和而已不敢有圖賞誼所以哭之痛文帝以
天下盛而罕事戎狄以倒懸天下也景帝時邊受其患
于是漢武踐祚以承六代鴻業屬乎文景玄默之化海
內又安太倉之粟紅腐而不可食內庫之錢貫朽而不
可校財力雄富士馬精疆忿匈奴之驕慢將報先帝之
辱遂使王恢韓安國將三十萬衆以馬邑誘單于師出
徒費竟無毫髮之功於是大帥六師專以伐胡為務首

尾三十餘年中國騷然大受其弊至于國用不足軍興
示給租及六畜筭及舡車盜賊以羣興京師起亂竟不能
制單于之命一日而臣服之治八宗衰殘幾至覆社稷也
故漢武晚年馭兵革之弊乃下哀痛之詔罷輪臺之遊
封丞相為富民侯將以蘇中國也至宣帝代罕復出師
屬匈奴殺窮天降其禍震閭閻渠渠單于病死右賢王屠
耆堂代立骨肉大臣自不相服又立虛閭權渠子為呼
韓邪單于擊殺屠耆堂諸名王貴人各自分立為五單
于更相攻擊以至大亂殘害死者計萬億數畜產耗滅
十至八九人以飢餓相燔燒以求食于是寄命無所諸
名王貴人右伊祇訾且渠當戶以下將兵五萬稽首來
降於北方晏然靡有兵革之事直至哀平之際邊人以
安臣竊以此觀匈奴之形察天時之變盛衰存亡之機
事可見也然則匈奴不滅中國未可安卧亦明矣夫以
漢祖之畧武帝之雄謀臣勇將勢盛雷電窮兵黷武傾
天下以事之終不能屈一王朕一國宣帝承衰竭之後
撫瘡痍之人不敢愴然有出師之意然而未有遺矢之
費而臣僕於單于之長者其故何哉蓋盛衰有時理亂
有數故曰聖人備備以待時是以正天下如拾遺陛下
肅恭神明德動天地今上帝降匈奴之災孽遺陛下之
良時不以此時順天誅建大業使時過凶虜復興則萬
代為患雖後悔之亦不及矣古語曰天與不取反受其

咎今天意厚矣陛下豈可違之哉臣比在同城接居延海西逼近淮南口其磧北突厥來入者莫不一一臣所委察比者歸化首尾相仍携幼扶老已過數萬然而瘡痍羸瘵皆無人色饑餓道死頗亦相繼先九姓中遭大旱經今三年矣野皆赤地少有生草以此羊馬死耗十至七八今所來者皆亦稍能勝致始得渡磧磧路既長又無好水草羊馬因此重以死盡莫不掘野鼠食草根或自相食以活嗟命臣具委細問其磧北事皆異口同辭又耆老云自有九姓來未曾見此飢餓之甚今者同羅僕固都督早已伏誅為亂之元其自喪滅其餘外小醜徒侵暴自賊耳本無遠圖多獵菽復自相讎人被塗

炭邊順相半莫知所安回鶻諸部落又與金州橫相屠戮群生無主號訴救赦臣所以願陛下遠大策行遠圖大定北戎不勞陛下拍揮之間事業可致則千載之後邊鄙無虞中國之人得安枕而卧豈不在陛下斷哉且匈奴為中國患非獨秦漢之間臣竊惟先聖特衛公李靖蓋中國之一老臣徒籍先帝之威用妙勝之策當頓利可汗全盛之日曰機逐便大破虜庭遂繫其侯王裂其郡縣六十年將于今矣使中國晏然斥堠不警書之唐史傳之無窮至今天下謂之為神况陛下統先帝之業履至尊之位醜虜狂悖大亂遠隔皇天遺陛下以鴻基之時陛下又得復先帝之跡德之大者其何以加若

矣此機事以過往使李靖堅子獨成千載之名臣愚竊
為陛下不取也伏見去月日勅令同城權置安北都護
府以招納亡叛振匈奴之上策臣聞隗囂言漢光武見事于萬
里之外得制匈奴之上策臣聞隗囂言漢光武見事于萬
里之外制敵應變未嘗有遺今陛下超然神鑒遠照定
所謂聖明之見觀于無形也臣比任同城周觀其地利
又博聞諸知山川者莫不悉備其地東西及北皆是大
磧磧並石鹵水草不生突厥嘗所大入道莫過同城今
居延海澤接張液河中間堪營田處數百千頃水草畜
牧供已萬又甘州諸屯犬牙相接見所畜粟麥積穀十
萬田因水利種無不收運到同城其省功費又居延河

海多有魚鹽此可謂強兵用武之國也陛下若調選天
下精兵采拔各將任以同城都護臣愚料之不用三萬
陛下大業不出數年可坐而取成臣比未看國家興兵
但循於常軌主將不選士卒不練徒如驅市人以戰耳
故臨陣對寇未嘗不先自潰散遂使夷狄乘利輕於國
威兵愈出而事愈屈蓋是國家自過計於敵尔故非小
醜能有異圖臣竊以為陛下今日不更為之圖以激勵
天下忠勇但欲以今日之兵今日之將冀收功於異域
建業於中興則臣之愚蒙必以為未可得也陛下即以
突厥為萬代之患則臣所言願加察若以夷狄荒非不
臣小人非所敢諫臣今監領後軍某等取其月即度磧

去計至某日及劉欽同謹當親授行殯計至比已來地
形及突厥滅亡之勢當審靈實續以聞奏伏願陛下省
臣此章為國大計億萬有一可中者請與三事大夫熟
圖議之此亦萬代一時也伏願少留聖意閑暇念之天
下幸甚陛下祿臣芻蕘臣請執定先驅為士卒放行橫
行匈奴之庭歸報陛下臣死之日庶無遺恨不勝云云

陳伯玉文集卷第四



